

金石萃編補正

石印金石萃編補正序

青浦王氏金石萃編百六十卷起三代而迄金武進陸氏續編二十一卷亦起漢而迄金誠如錢竹汀學士書宋以後好碑少耳獨大興方孝聞大令所著金石萃編補正起于梁而迄元於元人石刻得十八種皆釋其全文而綴以跋尾考證一如王氏陸氏之例大令可謂好古之摯者矣慨自石刻日亡漢魏善本不多見不得已而思其次至于唐宋亦可謂觀止矣而士大夫搜奇衒異之心且層出不窮顧不暇計其書法之有裨後學不也是編大都皆賞鑒家素未經眼者足以補前編續編之闕而於元人篆古文字及當時諺體俗語皆條分而縷

晰之其字畫之詭異體創之並標文詞之俚鄙六自來
石刻所未有亟宜傳之以廣金石之例為程吳申甫太
學得抄本于蘇州思付手民與王陸所著合而為一而
索觀者眾迫不及待乃先用泰西石印法以應同志之
求暇日再當詳加編校壽諸棗梨以成不朽之業庶
幾與方大令共是千古云印既竣屬書數語于簡端
光緒二十年甲午桂子秋風時節桐城張祖集書于上
海客次

金石萃編補正目錄

梁

永陽昭王蕭敷墓誌 普通元年

永錫敬太妃墓誌 普通元年

北齊

石叅門銘 天保八年

明空造像 河清二年

平等寺碑 武平二年

唐

杜公墓誌 儀鳳二年

大德寺造像碑 武后證聖元年

蘇文貞公碑 景雲元年

王仁皎碑 開元七年

慶唐觀紀聖銘 開元十七年

殘碑二石 開元二十八年

洞清觀鐘款 開元二十九年

哥舒翰紀功碑

元靜先生碑 大曆七年

裴耀卿碑 元和七年

張夫人誌 元和十四年

重修口口碑 太和元年

青衣洞邢全題名 開成元年

再建圓覺大師塔誌 大中七年

盧姚婆墓誌 大中七年

宋

錢忠懿王神道碑銘 端拱元年

法海院石塔記 咸平四年

法門寺重修九子母記 慶曆五年

禮真身塔詩 皇祐元年

慶豐堂記 皇祐五年

三賢書贊 嘉祐四年 明成化十二年重刊

石輅墓誌銘 元祐八年

鐵人題款 紹聖四年

旌賢院牒 大觀元年

祭昭濟聖母及汾東王文 宣和五年

金

寶寧禪師塔銘 皇統八年

英上人塔記 承安四年

元

姜太中晉祠詩詞碑 至元十八年

謝公修石壁寺記 至元二十一年

法王寺請玉公長老疏 元貞二年

請就公住持少林寺疏 皇慶二年

滿公道行碑 延祐元年

海公道行碑

延祐三年

隴西郡伯李公墓碑

延祐五年

晉祠游詠並刻石記

延祐五年

天寶宮碑陰題名

天曆二年

請亮公長老疏

至元二年疑當為至正二年

天寶宮聖旨碑

泰定三年

天寶宮張真人道行碑

泰定三年

重修晉祠記

至正二年

洞林寺藏經記

至正二年

洞林寺聖旨碑

洞林刻書序

至正二年

游晉寺詩序

至正五年

靈隱大師長供記

至正六年

附澠池新鄭鹿邑碑目

右碑文五十種方彥聞先生所錄也先生名履錢世居大興自高祖居常州遂為郡人而仍著籍大興嘉慶二十三年舉人官福建閩縣知縣問學博達工為駢體文又篤好金石嘗厯游冀兗青豫遇殘碑斷碣必手搨其文故是編所錄於中州為多正王氏金石萃編譌者若干補其缺者若干而篇第多未次序蓋未成之書也寶山

毛休復丈與先生善嘗假是書鈔其副而屬志述為

校勘并依時代編次之用別為補目錄於前且稍稍
正其參錯云道光十九年歲次屠維大淵獻九月甲
辰武進黃志述謹記於暨陽書院生雲垂露之軒
昔錢竹汀少詹言宋以後碑好者頗少惟引李南潤一
人為同志今讀此四冊自唐以下凡宋金元等各碑一
一手釋其文纖悉無遺我彥聞先生可謂真知篤好矣
惜不起少詹見之時道光八年十月十日元和顧千里
觀并記

舅氏彥聞先生金石萃編補正四卷黃仲孫志述重編
次此蓋從黃本重錄者用辨志書塾紙則亦同肄業於
李鳳臺之人可知書額朱字即或李鳳臺書光緒丙子

假之仁和龔君宅耕校讀因記陽湖趙烈文

金石萃編補正卷一

大興方履錢彥聞

梁永陽昭王蕭敷墓志

正書
祿本

普通元年十一月

故侍中司空永陽昭王墓誌銘

尚書右僕射太子詹事臣徐勉奉勅撰

公諱數字仲達蘭陵蘭陵人

皇帝之次兄也炳靈聖緒體自璇源積德累仁之基配
天經營之業固以詳乎二策載在六書今無得而稱矣
公夙挺珪璋早標時譽風儀口朗神鑒淵凝孝友天至
率口而盡義讓因心無侍傍習行為表綴動成鎔範斟酌
流品肴核羣藝莫不採其英華振其經領雖墳宇重

仞而溫其如玉氣厲秋霜而體含春露故游之者未識
涯涘挹之者虛往實歸加以冲謙下物傾身接士愛好
閑靜雅善談諷寵辱不干懷抱喜愠因滯白衿汪汪焉
豐豐焉固不可量已解褐齊後軍長沙王行參軍武陵
王始開戎號妙簡賓僚又行參冠軍征虜二府軍事入
為太子舍人濯纓承華清風載穆衡陽王冠婚禮備開
口彼十以公為文學稱為盛選俄遷太子洗馬又為南
海王友洗馬之職既允儀形會友之任實引斧藻裝本
此處誤于南海王下接聯既允儀形會友之任寔引斧
友先馬之獨藻十八字文義偵錯今為改正于上下紙
已按箇處亦甚合惟多一獨字不知當置何處
姑闕疑以俟他日得未裝本再校正之可也長虞公
幹莫或加焉出補丹陽尹丞復入為太子中舍人三陟

龍樓仍厯坊禁清談時論咸以為榮司部濱接蠻虜正
有充斥漢東之國貽憂西顧以公兼姿文武出為建威
將軍隋郡內史下車隱恤威德大著時獫狁侵逼義陽
四山互相影響郡內孤危兵糧竭弱公深加獎厲視險
若夷於是百姓相携入城二中殆無復相容處咸曰賊
若能來必為府君死戰物情如□□□窳遂息於是闕
拆清夷民俗殷阜進號寧朔將軍內史如故久之徵為
後軍廬陵王諮議參軍從容諷味雅有弘益天不憖遺
遠途未至以齊建武四年八月六日薨春秋卅有七知
與不知咸嗟殄悴

聖上應期革命受終文祖覽周南而雪涕詠常棣而興

之昭昭字
懷當為妃
按此心
作太

哀天監元年四月八日 詔曰亡兄齊故後軍諮議參

軍德履沖粹識業淵通微聲嘉譽風流藉甚道長世短
塵口緬邈感惟既往永慕慟心可追贈侍中司空永陽

郡王食邑二千戶諡曰昭王禮也子恭王伯游嗣恭王

早世子隆嗣昭王之昭王氏於本國為太太妃以今普

通元年十一月九日薨其月廿八日舉祔塋之典又下

詔曰亡兄故侍中司空永陽昭王墳塋當開靈筵暫設

追慕摧慟不能自勝可遣使奉祭言增感哽惟公體道

淵塞風格峻遠履信基仁自家形國寶運勃興地隆本

誤以隆字置魯衛茂冊徒休神猷永戢今幽庭暫啟表

飭虛陳 皇情深孔懷之悲縉紳仰人百之慟爰詔司

事式改明旌廼作銘曰 維山峻極羣峰以拱惟海決
決百流是口芥矣 皇業昭哉洪胄布葉分枝如彼列
宿恭惟茂德英明在躬該茲學行稷是清風令問不已
羽儀克隆若林之蔚若川之冲資此補漏以實秉心而
蹈立人之美亦符前誥奉靡革情約不移操莫觀其涯
莫窺其奧爰初理翰振藻騰光出高蕃采入映華坊且
文且會煥彼周行言貳河輔綽有餘芳闕候未息亂繩
宜理作守漢濱威懷斯侯既弭烽口又清獄市樹績來
歸優游衡里孰云與善遷途始半徂萃繁霜裝本機字下接善字
而以績來歸至云與十字反裝于徂萃之下 遽捐華館歲時荏苒松陰行口
口后天飛典章有爛姬公垂制祔禮載申幽局斯啟容

物慙陳窮泉一閉於焉反真

我皇□□□

真字下裝本止空一

格悞也其德彼新俾諸來葉永鑒清塵

吾友劉君青園得梁永陽昭王及其妃王氏兩誌拓本其文則徐修仁精心之作也其書則繼蹤右軍而不以名傳者也其事則南史梁書之所未備也其石則已久晦於世也藏碑之富古稱歐趙近則蘭泉竹汀淵如諸先生皆未及見此也不謂片楮珎墨兼此衆妙尚貽留於天壤間豈亦荆和之璧豐城之劍哉永陽王名數梁武帝次兄所敘歷職皆與史合而較詳亡時未有碑銘至普通初其妃王氏薨開墓合塋而補為之南朝有立碑之禁豈幽室之誌亦不得轍

刊必待貴盛而後可耶此誌惟見於王厚之復齋碑
錄及于奕正天下金石錄亦第存其名未載所存之
地遂無可訪覓矣戊子仲夏至大梁青園留宿講會
出此相示拭目驚賞得未嘗有亟錄其文并校正裝
本并錯數處而跋其後

梁永陽敬太妃墓誌

正書

普通元年十一月

故永陽敬太妃墓誌銘

尚書右僕射太子詹事臣勉奉 勅撰

永陽太太妃王氏瑯琊臨沂人也其先周靈王之後自
秦漢遠于晉宋世載光華羽儀相屬既以備於前志故
可得而略焉祖粹給事黃門侍郎父儼左將軍司馬尋

陽內史並見稱時輩太妃體中和之氣稟華宗之列蹈
此溫表茲淑慎孝敬資於冥發仁愛率於自然至於
四教六訓之閑工言貞婉之德無待教成罔不該備故
景行著於中台淑問顯乎言歸作嬪盛德實光輔佐親
縫幕之用昭服澣之勤及卑世釐居遺孤載賴提攜撫
育達乎成備斷織之訓既明閨門之禮斯洽劬勞必盡
曾不移志用能緝睦於中外亦以弘濟乎艱難雖魯姜
之勤節曾妃之敬讓方之蔑如也 皇業有造懋憂啟

聖追維魯衛建國永陽恭王纂嗣蕃号式顯廼拜為太
妃策曰維天監二年六月甲午朔十日癸卯 皇帝遣
宗室員外散騎侍郎持節兼散騎常侍蕭敬實策命永

陽王母王氏為國太妃曰於戲惟尔茂德內湛粹範外
昭國序凝芬蕃遵仰訓是用式遵舊典載章徽服往欽
哉其肅茲休烈可不慎歟備綸璣之華而降心弥約居
千采之貴而處物愈厚既而恭王不永禮從又缺訓導
嗣孫載光榮祉年高事重志義方隆宜永綏福履而奄
奪鴻慶以普通元年十月廿三日遘疾十一月九日己
卯裝本誤以隆宜永綏福履而薨於第春秋五十有九
七字誤置於己卯二字上詔曰永陽太太妃奄至薨逝哀摧切割不能自勝使
出叙哀可給東園秘器喪事所須隨由備辦祖行有辰
式引茂典又詔曰故永陽太太妃禮數有殊德行惟
先訓範蕃嗣式盛母儀即遠戎期悲懷抽割可詳典故

以隆嘉謚禮也。其月廿八日戊戌，祔塋於瑯琊臨沂縣長千里黃鵠山，用宣風烈以昭弗朽，迺為銘曰：

清瀾愆邇，其儀尚矣。龍光疊照，風流世紀。猗歟，因匱於昭，不已誕資仁淋，作嬪君子。幽閑表操，明德自躬。推厚處薄，秉默居冲。參差採芣，揜映言工。鑒昭彤管，識懋休風。凝芬載湛，芳猷允塞。徒舍為訓，止閭成則。曹号母儀，宜伊婦德。穆茲閨闈，形於邦國。龍飛集運，禮數攸鍾。憲章盛典，車服有容。泰而愈約，貴則弥恭。蕃祉方茂，纂嗣克重。巾帟差池，朝夕咸事。雖曰任傳，承請斯脩。是惟仁姑厥德，可庇恂恂。濟濟蘭芬，瓊秘光陰。易晚祺福，難留閨儀。罷映綸華，奄收莫遘。朱邱駕指，行櫟芳塵。是勒

大夜方攷

右刻惟見于陶南村古刻叢鈔亦歐趙以下諸家所未收錄此拓較陶氏本無所缺損惟少月廿三三字乃係裝工悞弃非拓本脫落也往欽哉下有一其字陶本所佚又陶本所缺之字此皆可辨早世悞鐫作畀以釐為楚以劬為幼以攷為悠皆當時通用之文也修仁此文較前篇尤為整密不意當世有此異寶既為青園所得而余獲展翫摹誦真有無量福雖廬陵先生亦當稱羨矣 顧澗菴校古刻叢鈔以此誌中己卯悞刻作乙卯遂與下廿八日戊戌不合因以各本互校最後得知不足齋本始定其為己卯此固

足見澗翁用心之精而就知道當世尚有此拓本固分明作己字耶歸江南當以詫澗翁爾

北齊石華門銘

正書

共七行高六寸廣六寸三

大齊天保八年九年造銅雀臺石華之門百代之後見此銘者當復知之

將陳驥

軍副程顯

承晏婦

幢主孫悅

軍主董侯

幢主楊曇

九年當係九月之訛

北齊明空等造像

正書
寸廣尺

河清二年

三月

高六
共十六行行五

字

大齊河清二年歲次甲申三月己未朔十八日丙子比邱明空等邑人仰為□現師父母白王帝主及一切衆生敬造盧舍那像一軀願善道資身福因門識等悟息循齊鑒我淨長幸四生永登一寶

此刻可證劉仲寶筆法 翁方綱記

于汪君鑑處見拓本錄之 筆法樸老而整末有單谿先生題字二字

北齊平等寺碑

隸正書相間
十三字高六尺六寸廣三尺四寸

六分在
雁師

大齊馮翊王□□□□□金像□□碑

蓋□功唯□□□□□道□通言□□在自□成□

□□開鷲山大則照神光於大千微則揔百億於微芥
乘權授手津被塵沙有感斯應□□金□□□於
長門述□□於西林□教□於東夏真言□廣靈□再
興不有覺人孰宏斯道至若拔山移海之力復夏興周
□□□□□□□□□□之□或負氣□門□葉
累世或神化澹泊百祀千齡莫不委骨高於山岳屑淚
多於河海共轉輪迴之苦同歸□□□□□月□寧
□彼岸平等寺者□□平□□□□永平中造定光
銅像一區高二丈八尺永熙季金塗訖功倘在寺外表
得移□□□□□□皇綱□素□□大□□□□□
□□□大殿正屋□邑為豺狼之窟皇居成戰鬪之場

四海分崩八客淪奄人物將盡盛業□□□□神□
皇帝□□□□□□□□先天奉時觀□日作於是席
視豹變鷹揚鵲起補西北之虧天紐東南之缺地大拯
蒼生康茲頽□自靖函西割□□□□□□帝城
□蜂□□幾旬機衝淪褊便使七政難齊衣冠道缺將
令五德憊制謀遽協於卿士卜從呂決著龜上天勉從
大同□□於皇興□□□□移輦洛遠空城寺□
毀銅駝之術無復連驢金馬之門寧聞待詔荒涼宮空
禾黍生悲寂漠池臺丘墟流歎□□祖以王業草創逋
寂□□志去闕泥觀兵故洛見僞瓌奇神徵屢感莊嚴
具足相好如真若出崛山猶居祇樹時流運謝隱晦□

紀遂使□月□□淨□青蓮未遷福地達人宏道觸物
兼懷發菩提覺心希無上正果躬親致化遷僞入寺登
給羽林長□守□武定末 世宗文襄皇帝□□□□

□河洛歷攬周京觀佛儀相在末嘗有身色光明實所
希妙崇申禮敬廣施軍資增給兵力因□□□而年代
驟改□□非固□石尚□□□廬易毀簷甍傾禘結構崩
頽駁癰上於雕梁表青苔衣於瀑井遊麋積座等形佳
於慧禪草莽生懷□神留於智定行□□□□□枯
□□之內菊為茂草太宰河陽道大行臺錄尚書事馮
翊王高潤即 神武皇帝之稚子 文襄 景烈
孝昭 武成四皇帝之弟金□□之懿□稟精瑤室分

萼艷林穀氣所膺誕茲英哲可謂崑山之上美玉挺生
瀛海之中明珠間出□□迥□□□自□□□□數仞
崖岸平□好士匪梁燕之儔富學豈簡平之背既能調
通四氣宣導三光鼎餽由其致和禮教因之敬洽飛□
真問忠□樹聲揮旄方□□□□□□□土宇受賑
而靜闕河德若膏蘇恩同雲雨出軍命將必稟策臣折
衡掠地屠城會謔謀於帷幄王既通明二□洞□三□
知佛□□□□□□□□究竟護浮囊於苦海船寶掉
於金河自推聲專行□戎奉律治兵餘暇降志元遣鳴
鑾展禮暫駐駢股俄見繡雉飛於梁□文狸起於□中
歎淨宮之彫毀嗟伽藍之落構永言舊事思用脩復割

捨俸於布金窮材罄於文梓匠人單五都之妙畫繪極
□土之奇崢嶸□□□□□□□□
於紅梁類元圃之銀樓等蓬萊出玉關天衣容翫颺三
銖之重僞設□□□□□□□□□□□□□□□□□□
□□□□始可言矣寺則背彼崇邱面茲清洛右依城雉
左帶洪陂嵩兵攤其毒靈河行其後望景□□□□□□
□□□□□□□□□□□□□□□□
興賢□勝地真粵
福田於是苦行異人慧心高德皆通九部咸曉二禪乃
振錫來儀□□□□□□□□□□□□□□□□□□□□
風□□□□□□□□□□□□□□□□□□□□□□□□
成
田高山虧而□□□□豐碑宜勒銅柱須樹徽猷盛事無
殞長葉其詞云

QUESTION

一其彼岸須登寶月宜運劫

□□□□□□□□□□

是屬貞明瓊宮

三慧劍既佩誠珠

是□□□□□□□□□□□□□□□□

柱粉壁丹櫺朱扉玉砌青瑣金

□□□□□□□□□□

城奥潤招提是構

山虧一簣海涸三田殷墟聞寂

[illegible]

唐杜公墓誌

正書儀鳳二年五月共十七行行三十四字高二尺九寸五分廣一尺四

寸在寶豐

周豫州刺史淮南公杜君之墓誌篆書橫額

君諱 字

之後矣締構

層華望仙雲而連若木□□□□浮潤海而接霄潢公
天挺英靈神資朗哲年吐秀綺歲含芳初舉茂才為
許州□□□令懿德裁風美青鸞之儔化嘉猷慤俗光
彩翟之依仁政舉薰風舉流天展又詔遷□□刺史諸
軍事淮南公被雲雨之膏液降霜霰之輕威區群荷子
育之恩庶彙抱陶鈞□□塞帷千里衛歡何暮之謠露
冕百城門嗟來晚之詠遇周社之傾覆會鼎祚之流移

鹿散中原裏鳴宇縣高班厚裘屬喪亂而傾淪墨綬金
章偶崩離而失主嗣子洪貴六人及孫恒周三人等蓄
耀珠泉潛華玉岫光逾月朶口口星輝玉樹分榮聳亭
亭於迴薄金柯引翠抽簪亡於長林或則學贍文豐兵
輜武略或則風雲在議金石斯懷珎謝王而咸珎貴華
珠而並貴嘅崇基之失緒咨峻趾之湮沈徘徊木雁之
間仿佯語默之致於是懷五慎佩九箴孝二尊篤三益
咸以壑舟夜從璿露朝睇天不憖遺溘然長謝公周天
統二年終乎私第春秋八十有二以隋開皇元年十月
一日與夫人馮氏合葬於龍山口口口口原口之禮也其
地東窺郤堞代楚之迹猶存西過渚城避狄之隍如在

南鄰渚水神龜游括地之湖北瞰龍山仙鶴懸聳天之
岫翕其珍木慈翠嘉樹紛口是汝口之形勝荆楚之口
口者焉曾孫善達義節八人等痛風枝而結思悼霜露
以摧心遠謝口表遐慙落構恐口口變海陵谷首遠耿
介長淪芳菲永歇勒茲貞石迺爲詞曰 承芳惠苑
誕秀清流口口開屏懿德臨州夙虧風概早歇英歎爰
有嘉楸遠謝箕裘敬雕口兮翠琰度永播兮清口

大唐儀鳳二年歲次丁丑五月壬戌朔七日戊辰雕
瑩功訖

右杜君墓誌係其曾孫補刻首行剝落諱字皆不可
審書撰人亦不著姓名筆法與小歐道行碑無二必

質作質

正書共四十一行
二十八字下截三十

廣二尺七寸在繩池

單傳第一
行即第一
行也有十
三字曰唐
大德寺
像并建像
勅賜碑銘
今已全無
所見

山于紫

□ □ □ □ □ □ □ □ □ □
劫齡越恒
□ □ □ □ □ □ □ □ □ □

元

風廣被俱昇參之場妙難闡銜重雲而不

根字連池
作真場字
下作

纂字曰
字作乙字
之字為祥
作定
華陽問作
燭忽作問
是也

云字志作
法

通字志作
通

陸念淨於心田□□□□五來調於意樹崇遵正覺鑒

照不周□□之□□靈未盡□□□衆動息無常明陰

洞陽空窮其數廣開香□□□其□聖道幽元不悉其

旨舉威無上抑神無下彌于宇宙攝以毫□□□□泝

芥城難朽拂石屢盡墨無窮照王燭而轉金輪散堯

云而□□日肆捌定□濟□參于□法宣陽獎延拾坐

云 大德寺者荊河之□□也上嵌岩逼漢下幽邃寶

蒙左則金臺寶閣右則豈寧宮隆前上洛□□同渭定

鼎洪流其後盟津達於晉閩徘徊盤盤五臺陸府定局

參山□川定過外□倍尼靈念能耳鯉鱗獻書進圖入

匪賦贛威賢納稔纖美□諤□產西詩萊菲基鷹既殷

皇家嚴止萬代神墓明堂鈿鈿雖非拔濟口預孤國
木口舍衛香城豈非閼峯雪岫者歟荆元魏帝規矩年
尼霸口隆邦標祥表於慈父龍威珽悵妙處雲而瑞曆
明靈揮巖刊塔口為大德寺也 皇儀數改帝業頻移

衡遇通周皆通僧道虧尊廢像遂斷香路於西方滯游

魂於淨土曰以釋敷陵遲神香頗及珮形殊景獨處堂

關菩薩真人間夜棹落對金顏於麓堊幽玉面於摧龕

聖德深明舉淹留於金口大帝乘時出震 思徹九閨

遠眺昏賓親觀隱歿撲炬燎於邪烽檄群迷於苦衆頻

奉明詔重令修緝復崇前蹄度居五 等竝早

辭百兩宿契參乘燔香剪綵發曇花之志無常無我法

體字下一
字集錄作
深是作光
集不似

金華集
作今古作
同音讀
如字作如
誤

印尊儀戒行不虧陸口無累復有法于清信口口劉仁
則廿六人等幼懷貞敏宿誤空長敬神情先苞肆忍
縑中句縷食內擬餐禪營寶塔特造僧房口待布金俳
徊已就鴻鐘癢而還擊聲徹九而清唄再稱聞於九塞
全建石碑像壹軀金容毫相出界無雙玉面從容十方
佈有聞名今掌口劫害除見影臣頭恒沙畢滅復營彌
閣壹所金鈴寶鐸和而樂已鏗鏘妙口口花齊綺雲而
合震闢大千定路渡彼岸津梁聖敷契而復全蒼生畢
而還福口舟待檝竟無越衆之功鐔滿衢中安知挹口
口口而皇上元資福垂拱而蒞捌荒德被黔黎殷祚而
口口國恩口行骨石室歸仁澤及蛸蚌金文流偈法

志於此不
提碑本不
提行也

相常住齊晏光□□□□皇福臻同□□定固再申斯
句刊勒茲銘輒以輕□聊興掬□□神智劍□□鋒
□□金挺能摧惡孽關臨大穀僂觀遊□礎膳攻□□
□_{爲儻}文言□□□□慈門宏勝業於神州設葢功於
赤縣今迺鑄□□□鏤石尋遷繼釋祖定遺風嗣金文
定祕碣恐塵飛泝乘桑出波中讚□□□難窮歎慧風
而靡絕翹心渴仰願奉神光普照無邊成歸妙旨□□
□□
□雄慈父靈儀願識說法有功論義智力入斷五慾出
降六賊□□□□破魔軍息其新構雲閣鯨棟鯢虹丹
梁綵綺宿鳳棲龍龍觀如見鸞□□真空波行論法沼

語驚鴻其二四地迅速鳥飛兔散火宅非固諸子為難金

鼓既韻方超彼岸口等脩謹常遵誦讚其三東流頌息西

口難追去來無礙四運相隨而長奉久釋廟遙迤金璽

常固寶印無虧其口宮五殿青紫丹墀左連帝闕右鎮

王畿俄二妙德供養巍三常導福塋口共歸依其五上蓮

蓮車歲次甲戌口秋定滿七定乙奉詔而下諸州口

士女觀僧尼寺光被廢今儀像堂闕現存並還舊寺口

口別屋五

口

口口口主功土劉仁則

大都化主麻師何

齋主騎都尉平正張洛

齋主錄事楊定鄉

齋主功土社石生

齋主驍騎尉司倉呂買

齋主功土牛伯通

齋主雲騎尉劉承基

齋主邵南府隊正景口

齋主武騎尉張志範

齋主司倉楊胡仁

齋主雲騎尉趙文達

齋主錄事劉惠達

齋主飛騎尉馮大智

齋主上柱國隊正張志隆

齋主趙智道

齋主雲騎尉王祇僧

齋主功土上官衡

齋主驍騎尉段義方

齋主雲騎尉楊万香

齋主功土杜義昌

齋主功土程懷果

齋主張楚才

齋主上騎都尉張養

齋主功土董志恪

齋主功土宮君言

供養主呂英儒

供養主呂杜主

供養主霍行基

供養主景保熾

供養主宮仁基

供養主程仁達

供養主元神載

以上三十四行在碑下截如河內

武定三年碑之式
碑像□□聖元華□□□□②

右一行在碑側

右大德寺劉仁則等造像記捐手甚劣以金石萃編及
澠池志對校始能粗錄其文文義既艱澁字體又多舛
異加以碑石半泐故無可審諦也惟碑側一行前人皆
未見邑志遂疑武后制字非始於僭位之日蓋止知此
碑有上元之號而未知碑側有載聖元年諸字也假借
古體及當時俗書及武后所製錯雜用之

唐蘇文貞公碑

張說銘盧藏用撰序并八分書共二十八行行六十字高九尺二寸

廣三尺四寸

唐故司空文貞公蘇府君之碑

篆額三行

唐故尚書左

僕射

太子少

傅贈

司空荊州大都

督蘇文

貞公碑

范陽張說撰銘

盧藏用 撰序并書

維唐景雲元年歲在庚戌十一月己巳太子少傅許國

蘇公薨于崇仁里之私第春秋七十有二嗚呼哀哉

明年三月己酉

制 塋我公于武功之先塋禮也公諱

瓌字昌容京兆武功人其先出自帝高陽厥胤曰黎實

勤火正建昆吾之子始封於蘇以國受氏公其後也暨

漢平陵侯建建子侍中嘉魏侍中則晉尚書郎遜聯華

國圖代載明德公高祖周度支尚書邳國公諱綽立言

成務垂濫後昆公曾祖隋尚書右僕射開府儀同三司

邳國公諱威嘉謨成績懿於當代大父隋尚書職方郎

鴻臚卿諱夔理綜羣品職覃衆妙烈考秘書丞池台二

出字旁七端
作字字誤
歟字作
北亦誤
漢編作平
陵侯子建
安侍中誤
當書即視
去即字以
通字下空
一格亦誤
澄字誤
作於

始字誤作
好博經史
史誤作傳
禮記文
禮金誤作
禮記

州刺史。岐州刺史諱亶。遊藝聚學。素風不隕。公系上
聖之遐緒。鍾盛德之泉茂。資元和以體仁。毓清明以成
美。初孩而孤。稟絳郡夫人之慈訓。幼而岐嶷。聰敏冠常。
始讀山棲志。一覽便誦。及長。博綜經史。尤善屬詞。年十
八。進士高第。補寧州參軍。轉恒州司灋。丁絳郡夫人憂。
自中山涉塞。跣從至京。兆哭不絕。聲性以禮。全形以哀。
瘠左庶子張大安以孝悌。上聞。服闋。拜恭陵丞。轉相
府錄事參軍。王改封豫官。亦隨府。上即帝位。拜朝
散大夫尚書水部員外郎。未幾。兼侍御史淮南廉按。俄
拜夏官員外兼宮尹丞。歷水部祠部郎中。兼判司禮事。
以親聯出。為朗州刺史。轉歙州刺史。并州武興令。檢校

冀州刺史累遷汾鼎同汴揚陝以累最入為尚書右丞

加銀青光祿大夫遷尚書左丞戶部尚書又拜侍中京

師留守兼理冤滯車駕還京持節河北按撫加金紫

光祿大夫轉吏部尚書東都留守尋遷守本職廷拜

尚書右僕射同中書門下三品封許國公監修國史

今上踐祚拜尚書左僕射屢充詞乞骸優答不許拜太

子少傅公有子七人長子頤字庭碩歷給事中中書舍

人修文館學士太常少卿入掌綸誥與公聯侍紫墀

接機黃閣前後之拜近古未有公體道貞固立心簡直

多識前言編詳事自周隋損益家牒可紀公則紹之

罔不畢綜故閨門之內孝弟成則朋友之間忠信聲舉

以爲高
誤

以爲高
誤

草編觀去
誤

其在叅佐也婉孌柔嘉醜夷不爭其事藩郎也從容謏

議實案是

仰四為郎而彌綸之功布於省閣九為牧而

循良之績著於州郡周旋二轄煒耀文昌廻翔兩台輝

鏘巖廟版圖國之信而五教在寬冢宰人之紀而九

式敘左右端揆盡訐謨之畧東西掖聞備忠謹之美德

逾盛而心益下位彌大而行益恭用能高而不危長守

富貴考父三命謙光以朝平仲一心中孚累聖非至

德謝慎疇至此哉夫其仁恕篤密清廉簡惠躬儉約以

自持蹈名教以檢物祿以周急不積於家財以睦親必

均於衆故義廣而私謁之途阻名

楊

而兼清

之道宣茲

亦叔教之賢國僑之懿也幾深通志精悟默識文以蹠

兩口並
作前書
閣作各款

以宋東為
東未款

實靡徇其華學以辯微固信於己故始終機揆舉無遺
策斯又子房之智孔明之能也造膝沃心務存匡救引
過稱善不近於名故聲聞於天而口無擇績宣於外而
事四專蓋封子之仁孔光之慎也兼斯衆善以畚明德
方將三階載理兩口更曜天命不佑閭忽遽徂朝喪其
楨人殞所戴天子悼焉遣大府卿李從遠冊書弔祭
輟朝三日有司備禮發哀追贈司空荊州大都督賻絹
布八百段米粟八百石凶事葬事竝官給賜東園祕器
大鴻臚監護將作立碑大常考行諡曰文貞禮也皇
太子別次發哀遣洗馬弔祭賻物二百段祖載之日制
羣官口口于開遠門外別遣左常侍徐口宣旨送於

可字下釋
作行字
非而

郊 令遣洗馬如初禮官臣已下畢赴朱旂載路班劍

啟行哀榮之禮備矣諸侯之孝終矣公家代尚儉載在

繼竹其生也堂無晏客門無立嬪其終也塋無封樹隧

無碑表大漸之始遺令遵行公卿暨親戚贈襚弔祭一

無所受周身之外唯布車一乘頌等泣血受命四有踰

越雖迫 朝旨不旌墳墳建碑於塋北一十五里故臨

大節而不奪見大義而能勇經緯之迹文藝之行備於

國章布在人口懼違先訓皆略而不書中書侍郎同中

書門下平章事昭文館學士兼修國史皇太子侍讀范

陽張說雅俗之鎮具瞻令德文章之雄談者為楷偉公

道德之首徽猷可刊石紀頌如清風其辭曰斤斤

此本亦難
辨以對為
詞誤

修字孫煥
作衛與碑
不似

蘇公體正含道稟靈渥粹為唐元老忠以衛主孝以立
身文以經國惠以安人司牧九郡九郡惟靜平章百工

百工爰整千載典憲三朝綱領上繼先人五代相國下

垂餘慶七十令德帝謂庭碩伊公是似接待玉墀序

拜金元聯華疊潤佐我天子於戲彼蒼國幹云亡地

頽五嶽天圻三光備禮詔莖羣官會喪掌史司德刊銘

路旁

唐王仁皎碑明皇御書開元七年共二十二行行

唐故開府儀同三司贈太尉益州大都督上柱國祁國

昭宣王公碑

右羽林將軍口檢校幽州都督節度下缺第二
正書字小

曜草編作
 實信非
 志草編作
 不
 三年下十
 二字皆草
 編所無
 以下皆濁
 索

天命帝于萬邦維坤配乾母萬物以親九族后父之屬

尊□□百官開□□□□□□□□□□

其人也下缺九字諱仁皎字鳴鶴太原祁人王子賓天

啟靈僊之族司徒衍口大忠義之門口口口口口賢口

祖關十六字
刺史考文
洎贈右僕射
續戎前烈啟

迪後人公之生也齊口曜之禎體口口口口禮口口口口

於缺十三字未兆而養之以蒙智用無際

而處之以默故實勝於文行口於譽其隱德也三年不

言其口時也一日千里

泉府果穀遷左衛中郎將上昇春宮○正紀壺擢將作

大匠口時工□□□□□太僕缺十二字
□內禪引

伸外戚懷榮畏滿散劇思閑公既深辭以職□□□使

之口散口口口口之禮具口公口口開府議同三十下關

字口戶三千寶賦三百公於是寓情宴喜口述朝行入

告嘉猷□密而人莫窺□□□□晦而人莫知也不

自口於下缺十字口經曰明二天子擇賢共理瑣二姻

姪則無腆仕不識不知口木口而已善矣口口口口口

外下缺十
退事不事而懸解為不

為而理會一以無牛之口一以無亢龍之悔所謂言口

行中歟後之人三字缺而蹈高軌也享年六

十有九開元七年歲次己未四月己未朔廿日戊寅葬

草編於下
第六字爲
於雙字信
誤疑是武
字
草編外下
缺十六字
第一作若
草編今下
多中口缺
後之人五
字

草無外下
缺十六字
第一作若

革端令下
多中口歎
幾之人五
字

第
十
七
字
作
為
呂
氏
為
花
談

此
一
行
下
蓋
編
有
元
女
二
字
今
不
見

望
雲
二
字
作
實
誤

古
本
編
作
指

於京師皇上憐焉設次大四字闕十終追贈太尉益州

大都督賜東園祕器舍榘贈錫率加禮乃命尚書彭

城侯知一字缺廿南安侯龐承宗持節弔祭左庶子

白慎倅焉公卿命更弔迭喻溢巷填門為二字缺廿

前夫天作聖合必起大邦故軒妃美於西陵周

婦於東海公繁之慶字闕十六或

望雲業參練石內被螽斯之德外偃關雎之化門風

也如彼十字缺二惟力戴君心十字缺二有才子八

族我盈其武王有理臣十人家其稽諸史罕

或前聞有三字缺二十華錄旨要則皇帝所為

也詞臣承詔作之銘

萃編空六字

祁公誕靈□□有□其慶高萃編慶下多

外□溫□□□忠焉孝下缺一字□□□社□玄社帝曰

欽哉祁公之德柔嘉維則令儀□小心翼翼如下缺二字

□□此邦□休風其永豐□□□□□□□□□□極

開元七年歲次己未十一月 乙丑朔

右碑剝蝕過半以校金石萃編得失無甚懸殊也其中頗有摹擬可識者而上下文皆缺遂不敢臆斷耳此拓未有所下截蓋工人以其無字不復加墨大約即拓亦不能有所辨識矣第二行正書官銜十四字萃編誤以為在碑末又年月一行尤為漫漶然十一月下隱隱見乙卯字萃編釋作乙丑復以長厯校之恰

是乙卯為之一快

唐慶唐觀紀聖銘

八分書 每行十字

裝本共十二頁十行 碑在山西浮山縣

大唐龍角山慶唐觀紀聖之銘

御製御書

神也者妙有物而為言化也者應無方而成象豈立神之主象微宰化之知荀言象之不存焉則神化或幾乎息矣窮神而極化者其惟至至之人乎

我遠祖 元皇帝道家所號太上老君者也建宗於常無有立行於不皦昧知雄守雌為天下谿知白守辱為天下谷故能長上古而日新雕衆形而化滓口萬物而不為戾澤萬代而不為仁魏乎不覩其頂深乎不測其極復歸無物存教速以立言奄有太清感聖朝以利見

金石錄卷之五
卷一
聲

我高祖之提劍起誓太宗之杖鉞入秦鵬搏
風雲麟閣日月夏臣醜而已去殷鼎輕而未徙

老君直洗然華皓白驥朱髭見此龍角之山示我龍興
之北語絳州大通堡人告善行曰五而唐帝之祖也告
吾子孫長有天下於是一聞赤伏而萬姓宅心一麾白
髦而六口大定傳曰有聲之聲不過百里無聲之聲延
及四氣非夫神唱明德翕叶人祇者歟善行以武德三
年二月初奉神教恐無明徵口之敢洩至四月老君又
見曰石龜出吾言實于時

太宰為秦王討宋金剛摠戎汾絳晉州長史賀若孝義
以其狀上啟遽使親信杜昂就凶禮謁俯仰之際靈兒

察焉昂馳還白信矣直遣昂善行藥駟表上比至長安
適會郃州獻瑞石如龜有文曰天下安千萬日

高祖徵其二異擇善行朝散大夫命舍人柳憲往祠焉
玉帛既陳尊儀復見其始覲也果二炁二若紅峯綠嶺
吐春日之光景其卻隱也蕭二條二若雨息雲消視焮
天之沈寥來莫知其所自去莫辨其所往出於寂寞入
於惚恍蓋不可得 詳諸汾陽之龍角山者天帝隆福

之庭

高祖用師之道口上有華池靈府下有石

穴洞宮氣接姑射集神僊之別館脈通霍鎮潤珠玉之
隣家

高祖以口嚙頻迴霓裾累裝故版廟於行

過之所劃壇於受命之場刻飾

聖容彩繪真衛神

光離合殿臺苑轉於空間雲氣跼蹐笙磬往還於天路
因改浮山縣名神山焉志靈應也是歲仲秋及五年三
月晉州奏老君言我亳廟之中枯柏更生子孫當王
又云我神兵力軍伐劉黑闥立要當平事過如言皆先
事之識也爾後

太宗貞觀剽香雲泊於廟宇

高宗垂拱剽卿雲涌於神座今又祠中柏樹蒲萄
裏而託根門端根木枝翁而還茂疊黛豐本撲翠繁柯
聚祥煙之青藹黝一色散佳氣之葱鬱鱗萬重識
者以為太和暢陳朽之徵王會納殊隣之象懼彼虛應
搖然夕陽朕演靈金根纂命璿宸舊學道記常味至言
是用假途禮樂託宿仁義尋末以窺本澄麈以詣精為

無為於此心事無事於天下而

宗稷太福家縣小

康實

上祖惠縣疆之休亦下人率自然之化夫維幽

容昭見偉事也神告帝符環瑞也發祥善行吉類也慶
雲重代鴻懿也戎策附植合異也橋幹華滋蕃熾也此
六者興五之嘉祉曠厯之絕紀者已朕不敏頗聞君子
之教矣繼其後者天其祖習其訓者父其師揄揚道德
性存孝敬商頌美乎成湯周雅尊乎后稷先王之舊典
也吾豈墜其文哉夫戴角之類龍為之長羊也定形而
不易龍也神化而無端龍蓋五土之精國家瘞土而王
故改山號名龍角焉直銘金石以彰靈變詞曰

思文

聖祖

默霽聲混考無名超考至清

八

神舍名捐物假身尊

元後有天下

高祖鳳翔雲

舉晉揚

太宗龍戰風

趙秦句龍角仙都

王師戒途聖形入有神言出無瑤衣玉騎告帝天符神

方據我人亦來蘇直立清室微

謚

衆僊停蹕直興

慶雲氤氲二再端

明君庭有柏兮遠葉寄秀門

有根兮魂條更茂顧慙菲德蒙神之祐誦我道經介我

神聽繼明五聖禋事三靈請從格言天德出靈大道幽

蔭湛慈廣接意路何階言津難涉化有影響神無華葉

一千一百七十字

開元十七年太歲在己巳九月己丑朔三日辛巳建

右碑小隸書精整無倫惟前御製御書四字及後年

月二十字係正書碑字大小如衛景武公碑

唐殘碑正書

□□□□載也下泐

□□□聖文神武皇帝□聖□□至大也大□□下泐

□萬物包之以大道而九重端拱理在垂衣□下泐

□經云一念成就即生□樂國即此國是也於是下泐

言若不多生劫中廣修淨業不應此國同會大乘下泐

仁真抱朴再見還淳而剖斗折衡焚符破璽即□下泐

向寺有尾僧焉誠草貞心猴池淨質不在乎□下泐

卓然超異塵劫其城也板築帷晉其寺也創迹在下泐

□有唐開元二十有八年秋七月十有五日是下有下泐

騎楊義信無染無著在家出家識晤四空智緣七下泐
視□門州隻八單七即俯弘道果久隣寺側今□下泐
□詞曰率土之內莫非王土率土之賓莫非王臣下泐
□晉曰 我帝恩惟我佛力乃命工規□下泐
□□□百寶莊嚴宛如涌出四維上下自若飛來下泐
□□□邑有宰焉朝散大夫武威安公庭堅我旨下泐
□□ 簪裾代代譔美人人即源流共清可潮東
□□□□之詠今日對俞欠之鳳追荀邈之
右高二尺六寸廣一尺九寸

□□之□寶詩以道志書以道事禮以道行樂以道和
□以道□□□以道名分我鄆魯之士縉紳先生而能

明之也但齊物順時□□□長能滿聽珠玉可談即姑
 威李銳為丞隴西李擢為主簿□□□□陽張璿
 之河南獨孤吳隴西牛庭玉長安杜鄰為尉惟□□□
 □□□□月登崐山而聚玉俯麗水而齊金吞鳥之才
 譽流東海□□□□□京而共潔壺冰同澄清渭即
 此功德圓滿者賴吾宰君□□□□□福而成就焉
 人以悅來工以妙盡即此陽邑古城陽字□□□□
 □陽處父望在北平食邑此城因以字之從了人姓楊
 字□□者□□□闕西孔子楊振之肩望在華陰故以
 字之從木為城望北平人□□□郭雖是人俗已非黃
 花一門朱輪十乘邑君之里嗣我宗桃□□□□猷

華編云該
 高三尺二
 寸上圍四
 尺九寸下
 圍六尺九
 寸

金石錄卷之二十一

如故視其所以觀其所由察其所安人也遠□之有其
忠□□□□敬煩使之有其能卒問之有其智急與
之期有其信委之以□□□□之以危有其節醉之
以酒有其則襍其處而識其危固聞莊周之□□人
之譽其詞曰 自古昌國莫之 我唐自古聖
帝莫之 我皇齊天之覆同日之

光其如來□□夫子□國通此八□下泐□眷此伽

藍時穆代久鴈塔□下泐□草重春三城下泐

男處誨子夏子騎都尉翟義本男庭暉宣靜府錄事
男思敬男元樹林男萬業男萬威雲騎尉孟敬男奉仙
連男崇貞男崇令校尉楊知仁楊思知駿騎尉翟雲禕
男女交品子翟元相男希璧希言翟元旭翟元禮

右碑側四行

右高三尺六寸廣三尺碑側高一尺九寸廣四寸未拓完

右唐殘碑二石未知脫落幾許文義殊難貫通似是陽城築城記而又有言及佛寺及優婆尼者未知究屬何所指也其書朴雅非蘇靈芝所能為文則體律不純所頌邑宰安公庭堅及楊義信等皆無可考青園兄藏此碑余向所未見亟錄如左

唐洞清觀鐘款

正書高二尺四寸四寸上廣三尺六寸廣四尺九寸下如中

維大唐開元廿九年歲次辛巳閏四月辛巳朔廿八日戊申文道士蔡淨廉曹淨儀曹紫虛孫雲譽蔡仙經謝玉郎寂元觀上座朱處封檀越主蔡方運蔡思奉吳少表蔡祚樂等勸率眾緣敬造銅鐘一口奉為國王帝主

牧宰官僚下及蒼生同霑福祐永充洞清觀供養

用銅三百斤 時匠余令玉

吳延誠朱守虬曹雲岫及妻蔡五娘蔡邦瞻及妻鍾李
定謹孫貞幹蔡仙望蔡兼母鐘四娘曾四娘謝意謝仙
諒僧調御蔡崎母朱孫封黃口劉智新蔡朝欣蔡齊炎
蔡承親蔡齊希朱伯巡蔡齊康蔡懷慶曹處貴朱玉貞
鄭世玉謝賀朝謝獻之黃待徵朱惠建朱師雅曹思合
李庭芬蔡半千蔡祚封李定廉朱希母歐陽

謝賀封蔡晏堯為亡兄璧及嫂劉劉智常李廉母朱二
娘為亡聶二官蔡公緒蔡思京李定通蔡化邦蔡因業
蔡祚寧朱思齊蔡貞母羅朱思樂鍾虬為亡考蔡魏母

劉大娘蔡齡母李夫人蔡尹嗣朱先母蔡鍾嶠為妻李氏朱守諫朱守元孫順女道士蔡真仙朱智巖蔡淨智蔡雲嬌蔡仙勝蔡紫蓋李仙定朱仙臺李仙雲曾雲童謝紫霄蔡階蔡微

縣令負元禮丞元仙鳧主簿鍾離延祐尉皇甫玲錄事朱守寧前錄事沈再思倉督黃處異朱靈郁劉仙朝劉俊人及妻蕭大娘趙靈岫及母丘四娘黃御鵬及妻朱六娘沈壽及母溫、仙諧鄧庭珪為亡考蔡舊明義期李表泓蔡祚人、大娘蔡推母董三娘為亡聶護軍曾光庭蔡靈舉為亡妣朱經母蔡為亡聶蔡妃娘沒故蔡嬌含蔡四柔

以上四段皆係唐刻每段四行分兩截中隔以橫格
二行其文及人名皆係上下截連讀每一段後間以
方格大於有字之處上下截各一方

孫封

朱玉

黃成貞

此三人

刻于第二段橫格二行

昭武大將軍南安路總管兼管內勸農事趙國器捨此
洪鍾于本路通真道院永充人天共養者至大二年已
酉歲九月吉日開山住持道士程紹真徒弟程自元謹
題六行行十二字至九字不等在第二段後下截方格

蔡遊巖曾雲峯蔡崇躬宗瑗朱球玆吳均為亡孝歐陽

平朱千里曾席母謝二娘蔡希妻李四娘蔡休祥謝興

母蔡五娘

右四行似亦是唐開元時所刻在第三段後

上截方格中

准勅省指揮鑄題咸平三年

拾壹月 日

守縣尉周

守主簿夏侯成

守殿中丞知縣事成中

右五行在第三段後下截方格主簿知縣之姓下一字似是押

刺極淺細

弟子虔州百勝判官知勾判南康縣事銀青光祿大夫
檢校戶部尚書兼御史大夫上柱國陽坤當縣洞清觀
洞鐘壹口先平固作孽之時捋擄入峒至元復元年坤
統押將士收破却復前件鐘將歸本縣緣洞清觀傾因
亂罹多年荒廢切見可封里畫錦禪院未有銅鐘今將

轉捨冀保弟子官榮顯達將卒興隆邑內居人同霑福
利鴻音遠布永鎮伽藍天祐元年歲次甲子七月癸亥
朔廿九日辛卯題院主僧宏滿開元寺僧義全書

右七行在第四段後上下兩方中亦每行接讀下
方末多一行

右銅鐘銘翁宜泉先生樹培贈青國之拓本字皆完好
未知鐘在何地此鐘刻於唐開元廿九年至唐末
為峒城掠去知南康縣陽君坤平賊收回置之畫錦
禪院其時乃天祐元年也開元時所列鑄鐘人名甚
衆天祐時刻記一篇宋咸平時又有題字元至大時
昭武大將軍趙國器所刻又移至通真道院竟以此
鐘為己所施捨則未免竊美矣

金石萃編云

在江西南康縣

唐哥舒翰紀功碑殘字

八分書存者高四尺七寸廣二尺六寸

之德施化侔天墜經綸象雲雷日月所臨之

西夏其惟犬戎種落猖狂保聚山谷故聖王

之

月支

斤

舊章特

申約言載錫姻好

實也潛通約而反間

遠

萬觀

不加

懷敗謀

也僉聞何以頌曰

明德大服小

也憬

軍士

舉而定

木

叛

聖策謀從力也

有七德今則過之而頌聲

唐元靜先生碑

行書共十三頁

裝本每行七字每頁十行

唐茅山紫陽觀玄靜先生碑并序

秘書郎河東柳識撰

大理司直吳郡張從申書

李陽冰篆額

此五字篆書

道門華陽亦儒門之洙泗蓋玄化振於此也白日登昇
有西漢茅氏兄弟隱景遁化有東晉許氏一門襲明冲
用以闡道風有梁貞白先生唐玄靜先生開元中玄
宗禮請尊師而問理化對曰道德經君王師也昔漢文
帝行其言仁壽天下次問金鼎對曰道德公也輕舉公

中私也時現其私聖人存教若求生倘欲則似繫風
上悅因加玄靜之稱無何固以疾辭東還句曲先生諱
含光本姓弘則天諱弘改為李氏考孝威州里号貞隱
先生家本醇儒晉陵人也夫性與道妙則真有運無古
之學者離有得有不外欲馳景而內觀馳化心不遠望
化金而近思化欲今之學者多見反是若乃行於真理
窅然觀妙先思正性發明宗元則玄靜其人也年十三
辭家奉道端視清受慈向蠹類閤室之中如對君親時
人見之性情皆歛幼工篆隸或稱過父一聞此議終身
不書所撰仙學傳記闕遺備載又論三玄異同著真經
及本草音義而皆精詳祛惑窮理於學如鍾蘊聲其後

師事華蓋峰司馬君雲篆寶書傾囊傳授既而目之曰
真玉清之客抱虛元而行功者與道不窮託幽阜而滅
迹者於德亦淺承之自遠宜圖救人於是引後學昇堂
稟立訓也先生元氣不散瑤圖虛映達靈已久晦曜為
常動非用開靜非默閑當吹萬之會若得一之初應跡
可名常道不可名也羣蒙求我豈勞言說孕育至化虛
融物心心一變至於學學一變至於道同淑氣自來得
之不見所以摳衣而進無有遠迹仰範元和茂姿全性
者若秋芳之依層巘夏潦之會通川也先生忘情於身
而慈於人禎祥屢應視同衆象士庶諮詢色授其意常
令章壇閑院醺火擇薪精微誠敬率皆比類曩者 天

書繼至務欲尊崇及公卿祈請信無虛月卒使玄門之中轉見真樸持慈儉之寶歸義皇之風至矣哉我師教也大曆四年冬十一月顧謂入室弟子道士韋景昭孟湛然曰吾將順化神氣恬然若坐忘長往時年八十七靈雲降室執簡如生據真經斯迺秉化自由仙階深妙者也門人等以為醴泉之味飲者始知我師之道學久方見顧叙真宗以示於彼忝曾遊道敢述玄風文曰古有強名元精希夷黃帝遺之先王得之縱心而往与一相隨真性所容太元同規日行先路不語到時人言萬靈我見帝姿 玄宗仰止徵就京師紫極徒貴白雲不知遐方後學來往怡怡空有多門真精自持委順而

去人焉能窺玄科秘訣本有冥期

大曆七年八月十四日建此十字大二寸許

右碑石已毀世少拓本青園兄得此誠可寶異以較江寧金石錄所載全文止少一字由俗工剪裁去之也額已無存而少溫所書之款則仍用篆書碑後年月一行大逾數倍此皆創格張從申書余惟見季子廟碑一通此本用筆較彼尤為剛勁文亦清妙中有曰不歎外馳景而內觀馳心不遠望化金而近思化欲至哉言乎非區區黃冠之說也惟以宏字為避則天所諱則殊誤宏字乃則天子孝敬皇帝之諱耳此本係王孟津所藏題籤十餘字亦可貴

卷一終

金石萃編補正卷二

唐裴耀卿碑八分書拱廣三十一行六十八字高

唐故侍中尚書右僕射贈司空文獻公裴公神道碑

銘并序

正議大夫行尚書兵部侍郎上柱國高陽縣開國

子賜紫金魚袋許孟容撰 銀青光祿大夫行尚

書工部侍郎上柱國長洲縣開國男歸登書并篆

□

地配天而萬有生意賢合聖而百常順序

巨唐六葉明皇帝登寶位之廿一紀得師友臣侍中文

獻公而奉階益□鏡照益清陳力 推□昭□□□□

及字草編
作文損
在字作孟
誤

○ ○ ○ ○ 耀卿字子渙河東聞喜人也伯益裔孫非

子周封於秦至桓公少子鍼去國食采於晉其邑曰邲
遂為氏焉自鍼至五代祖廿四葉昭羨振 ○ 重 ○ ○

○ ○ ○ ○ ○ ○ ○ ○ ○ ○ 景仕周舉秀才富平縣令大

王父正隋豐州司馬蘇州大總管府贊治王父春

皇廟舉秀才授許州司戶登 明庭高科遷 ○ ○ ○

○ ○ 考守真 ○ ○ ○ ○ ○ ○ ○ ○ ○ ○ 封尉太常博

士詳正學士夏官員外成宣二州刺史贈戶部尚書公

即尚書府君第三子也初河東夫人之夢熊罷神靈缺

字二第聖歷中書判入等補麟臺正字未幾丁尚書府

君憂茶蓼之毀禮不能節服除調集以太夫人有羸老

箕作美誤
筆端南字
下少一府
字

斛字草編
誤作井

數作政誤

九作地誤

之疾乞閑官就關十字翰系轉國子主簿詹事府丞大夫

人捐館苴口溢米哀憐減性制終除河南府士曹參軍

詹宗以嘗列宮寮加朝散關十字時謂淫雅不祿

而繩墨誠陳也亟轉兵部郎中長安縣令穀下塗

多事外尤弊相習名迫利誤堅貞鮮遂公更張其關十字

字月政稱神明時宰有銜私醜正者出濟州刺史索換

宣冀二州清明愷悌三郡一致物皆饒阜人不忍欺而

濟陽信都彫關十字除左庶子仍領崇文館事疾間復

拜戶部侍郎尋遷京兆尹上曰神都九有歸會

宜辨吏宜處風化取則付之於卿公下車而近關十字革

口漁棄兼并者讓田而市義穿窬椎剽游情苦窳莫不

驚作然誤

洛邑誤作活也

逐作逐誤

陳陳二字誤陳陳

實字其誤其作實

聆禁令而却走視條綱而易業

明皇帝嘉器

任之適每前席以聽闕字糴貴將幸洛邑

上

徵救人之術公遂陳王者損上益下宅上中關內之利

因秦鼎新潛運以廣儲廩置河口三門口崖集津倉闕

六有陳陳之積中都有不涸之饋功齊神化利及億兆

逋負之徒征徭之叱追琢貞珉歌謠仁哲今存於道左

明皇帝舉勞旌善擢授闕字文館學士天

下轉運都使尋遷侍中加銀青光祿大夫又以千畝五

推之禮加金紫光祿大夫中書令張九齡奏請私鑪金

錢公以為闕字夷州刺史楊濬贓污詔下流竄仍杖

六十公以為郡守嘗父母百城鞭笞實虧損愛敬以流

代死

聖朝之寬典也

關

河西隴右兩道

節度公密疏曰嘉運長於趨悼勁勇關於沈深計慮矜

功侮敵恐未百全後果喪師失律大起邊患三者皆悉

關字藻樞衡之動由其極齋口坦夷溥博幾微用有藏

晦中無磷緇推功與能瘡惡相違皆所以載編簡而成

乎表式洽人聞而播關針右僕射上嘗命畫工寫白圖

于凌煙閣手制曰所謂傳神國之故事自武德至

是宰輔一百八十七人登丞相左右揆其一其關十盈

而若虛貴而口卑衣無華綵食不珍異正考父之益恭

晏平仲之矯時遽瑗之暮夜匪懈孫宏之衣食不飾取

類前志我無媿心關針文章著蔡俱無公結金石之契

夫交結不
及二字為
信

口以口律之叩王忘味逝為牙期也濟川中止孰主大
鑪難老不錫曷云輔善以天寶三載七月十八關計明
皇震悼罷朝贈太子太傅謚曰文獻以其年十月歸
葬絳州稷山縣姑射山之陽尚書府君塋東四里有子
八人遂泛法綜延關二十漢數口口口口口口社同與綜
臯皆知名綜官至吏部郎中臯官至給事中郎中子吏
部侍郎佶京兆少尹武事中子諫議關字飽口聞之
益於口詞推麗則之雄由夫交道嘗踐門閭功德儀刑
將垂芳於不朽發揮鑽仰孰授簡之當仁銘曰
日月貞明洪鈞造物股肱匡戴元化陰隲
於赫明皇追蹤昔王聿求仁哲俾闡昭光文獻膺時慶

東字萃編
誤作太廟
四書三字
俱無

霄來翔四靈一缺二十世風流慶存翼子貽孫江海華藻

圭璋友昆靈源之上姑射之下宰府地域人曹松檟照

燭歲嶷嶷嶸嶸豐碑終呂地盤下缺

元和七年十一月十六日建立 將仕郎守恒王府

參軍姜濬模勒并刻字

許公之文暢達而有雅韻歸冲之本工草隸此頗不

及徐蔡諸公疑碑係後人重鐫然亦多剝損矣萃編

所載校之殊多舛誤下載雖無可辨以每格大小考

之每行應得六十八字萃編作六十六字誤也遷京

兆尹上曰神都九有都會宣辨吏宜處辨即辨字辨

吏猶言幹員爾故下言風化取則付之於卿此則非

辨吏所能王氏釋九作地釋吏作更遂使文義不屬
將幸洛邑釋作將幸活也陳二之積作陘東之積此
皆訛之大者碑體例亦不一之處如明皇帝或空三
格或空四格或空五格未審何說下截前數行全泐
中段亦有二三字可辨者

唐張夫人誌

正書行和十四年十一月方九寸共九行

唐周琮故妻張夫人墓誌銘

并序

夫人清河人也父悅夫人悅之幼女也春秋六十有八
時元和十四年四月廿四終于私舍以其年十一月一日
窆于依仁鄉甫里村周氏宅地王瑩禮也有子澄叩地
泣血恐陵谷改移刻碑于号 銘曰

寂二高堂

寥二泉戶

月照長松

千秋萬古

右誌雖刻于中唐而筆意拙澀有北朝意境亦係君
鑑所藏惜之不以相贈遂錄其文

大和元年重修□□□□□□□□

□□□九郎堂

□□□□□□□□

□□□羗石匠□□方通平

知馬當山節級老忠書□王□□

皇祐六年二月廿日奉

命持文詣祠請雨

三月既望復伸賽謝

峴誌

唐青衣洞邢全等題名八分書共七行行在五字高

大唐開成元年六月十日□□□□岳道士邢全錢

唐縣令錢才記道士諸葛鑒元書

右亦從青園藏碑中檢出錄之

唐再建圓覺大師塔誌正書共十六行行四十字高三尺四寸廣一尺七寸

在澠池

再建圓覺大□□□塔誌

案梁武帝銘大師碑大師大同二年示終於洛州遺塔於吾坂即茲塔也司徒中書令汾陽郡□郭子儀復東

京之明年抗表乞大師謚

代宗皇帝謚曰圓覺名其塔曰空觀大師名達摩西域人也梁天監中自五天來昭昏轍荒鉅析端詭俾沆造作者識羈紲之醜落空寂者知凝滯之非指迷轅於炳直之途揭惠旭於幽夷之表分別邪正開抑漸頓使羣派奔輸若得瀆而趨海也傳本宗大聖所付至支那為最上乘第一祖至若往來之有無地位之高下非吾輩所得言焉過梁而徂及魏而止繫汝遇不宣我行藏緣歿則遷宜墮諸數道且不住跡其可留取者自言我則何有熊耳山下一塔歸然骸葬形遊文詳於梁武靈泉瑞木表祕於汾陽月闕其圓天之道也

武宗皇帝謂真諦不可以相取密跡不可以像設徒使動盪清靜泉數昏晦會昌癸亥歲遂詔發釋氏於是率土塔廟鞠為丘阜大師銘誌亦隨湮滅碧空鐘梵與霜露而俱銷金地松筠掩荆棘而無類

今上即位即曰牽復大中庚午歲八月十三日詔河南尹河東公再建斯塔令擇僧有大德可用擬大師者俾宰之洛陽僧與軒冕之士累百同舉手而稱曰大德僧審元其人也河東公賁詔書詣龍門以

天子意起之於是元公杖錫至山下不言而人化無幾而塔成雲構矗立忽若疊巘匠石覃思砭砭就雕彼育王鬼功多寶踊出未獨多也分高中岳鼎足二陵浩規

未灰無以見毀

大唐大中七年歲在癸酉正月五日潁川陳寬誌

京兆少尹崔倬書

右碑雖已中斷而字皆無缺惟遇王字則皆剝去

唐盧鄩幼女姚婆墓誌

正書大行中五年七月共計四行

不等高一尺五寸五分廣一尺一寸在滎陽

范陽盧鄩幼女姚婆年八歲生而穎悟髻而秀妙纔能言而知孝道纔能行而服規繩纔能誦而諷女儀纔能持而秉緘組動有禮致婉而聽順衣食服飲生知禮讓先意承志不學而能常期長成必有操行芳譽流於親戚之間何圖玉樹先秋薜華早落敏而不壽痛可言耶

金石錄卷一百一十五
以大中六年十月二日友于襄州官舍以明年七月十三日葬於鄭州滎澤縣廣武原祔

叔祖贈給事中府君之

松楸冥冥之內魂而知

歸以其封樹不廣懼年代未遠而丘壠夷平聊刊片石以叙其年月與事實冀千載之後不至湮沒耳唐大中年七月十三日前檢校禮部員外郎盧鄩記

錢忠懿王神道碑

□□□□國崇文耀武宣德守道中正功臣武勝軍
節度使開府儀同三司守太師尚書令兼中書令使持
節鄧州諸軍事行鄧州刺史上柱國鄧王食邑□萬七
千戶食實封□萬六千九百戶賜劍履上殿書詔不名
追封秦國王諡曰忠懿神道碑銘并序

推忠同德佐理功臣銀青光祿大夫尚書吏部侍郎
兼祕書監上柱國隴西縣開國伯食邑七百戶臣李
至奉

勅撰

翰林侍書朝奉郎行殿中侍御史賜緋魚袋臣王著奉

勅書并篆額

□□□人之興也有開必先故能成天下之務君子之
動也見機而作故能通天下之變在昔高祖造漢始構
大象有若吳芮以百越佐帝共攻嶠函蕭王中興用顯
丕業有若竇融以河西歸國預平汧隴 我國家率服
夷夏惠綏黎元交三神之歡接千歲之統鳥獸魚鼈罔
不咸若山川鬼神亦□□□又其有厯祀百載三世五
王霸有東南代修職貢在天成象冠三台之位在地成
形視列岳之秩極人臣之寵數兼文武之雄才遭
我盛明益推誠節助建業之薄伐獻全吳之舊地盡室
歸朝束身向伐生則國封王爵焜燿於一時歿則美謚

追榮宮崇其九德有始有卒知微知章□□見之於

秦國王矣王諱倣字文德唐武德中陪葬功臣潭州大
都督巢國公九隴王之十一代祖也威勝軍節度推
官累贈太師諱寬秦國太夫人丘氏王之曾祖父母
也天下兵馬都元帥尚父守尚書令吳越國王諡曰武
肅諱鏐晉國昭懿大夫陳氏王之祖父母也天下兵
馬□□元帥守尚書令吳越國王諡曰文穆諱元瓘吳
越國恭懿大夫吳氏王之考妣也惟王為吳越國
王三十載任太師守尚書令兼中書令四十載為元
帥五十□載歸朝之後封國王者五領節制者□□
後八換功臣名奉邑通真食□□七萬三千九百戶

帶劍不名自存及歿三膺冊封之命以後唐天成己丑
歲八月二十四日生於餘杭之功臣堂 皇朝端拱戊
子歲八月二十四日薨於南陽之正寢春秋六十嗚呼
哀哉鰲柱中摧虹梁忽圯日邊之楚子雲飛天上之武
侯星墜春者為輟相邦人為罷市草樹淒色兒童隕淚
無邵父兮何怙□□母兮何恃 上聞訃測然出淚
霑袂雖梁武驚任昉之謝投瓜 以悲太宗哭張謹之
喪辰日無避嗟乎君臣之情曾不過是 詔廢朝七日
示震悼之深也是歲孟冬五日自鄧徂梁權殯於京城
之東墅 詔大鴻臚營葬中謁者祭奠贈賻加等塗芻
備儀襄事所須縣官咸給乃命有司撰日貳卿持節追

封為秦國王文昌會議曲臺稽曰謚曰忠懿惟幽惟顯
以哀以榮御蓋重因方念祭遵之疾畫棺玉匣遽窆梁
竦之神越明年正月望日以鹵簿鼓吹導王黼妻歸全
於西京洛陽縣賢相里陶公原禮也王分至論止寔京
畿崔瑗遺言勿歸鄉里異代同達不亦賢乎 上乃永
懷懿鑠慮或湮滅 詔臣論次其事揭為豐碑臣拜命
周章因知攸措懼不能彪炳徽烈游揚好詞副聖君之
知效良吏之作然而獲在天祿得遊書林覽太史公之
傳記久矣閱諸侯王之事迹多矣夫金石之刻所以垂
勸來代彰明往懿故無過實無虛美斯令戒之所式亦
微臣之所恥謹按家牒詳 國史拜手直書將傳信乎

刊紀粵若錢氏之先也堯封彭城其裔曰孚在宗周時
實司圓府因而命氏丹則戰國之隱士產則嬴秦之亞
相讓則漢庭之良牧鳳則晉室之名臣椒聊蕃衍慶流
天下憑高積厚宜生間傑頃者天散唐祚盜起中原王
室衰微不能專國之征伐方隅叛換而敢問鼎之輕重
內則岐梁跋扈置宗廟于印墟外則巢蔡橫行墜生靈
於塗炭龍蛇起而英雄出干戈尋而區宇裂武肅王蘊
經濟之略屬艱虞之運鵠起豹變頤指氣使料敵制聖
神授其謀尊主口民天與其德靈二薛郎莫追膏原齟
二董昌旋從伏鑕或以少擊衆敗黃巢於臨安或仗順
討逆平漢宏於歐越遂成霸業實啟孫謀于時寓縣罹

灾姦雄樂禍或負固於嶺表或假息於閩中或竊號於
邦溝或僭稱於庸蜀皆屢馳單介勸以自尊王皆拒
而不答慷慨增憤及理命之際手書以戒子孫且曰吾
生平所受數異□□之後當悉去之以守藩臣之禮故
得尊莫尊於尚父屈珠旒以崇之貴莫貴於真王降玉
冊以封之五廟之蒸嘗不絕弈葉之富

右錢椒墓碑計當在洛陽今無拓者未知原石尚存
否青園得其裝本一冊約有一千六七百字然僅有
其半爾文甚瑰麗王著行書深得晉人遺矩余驚喜
錄之不敢以其宋殘碑而忽之也下冊未審在何所
青園當益精心蒐葺延津劍合是所望爾

竹汀錢氏十駕齋養新錄曰錢讓事不見於史冊湖州府長興縣志皆列入人物所載事迹未可盡信錢氏舊譜又載九江寇周生范容擾淮泗徐揚間詔拜讓廣陵太守征東大將軍都督江左六州諸軍事斬賊帥徐鳳謝安於陣而范容周生等自縛歎首桓帝旌其功封富春侯以范史證之俱無影響大率後人附會之詞攷鄭樵氏族畧曰漢哀平間錢遜為廣陵太守避王莽亂徙居烏程而讓亦官廣陵太守意者讓遜本即一人夾漈避宋濮安懿王諱改讓為遜乎今此碑述叙先世有云讓則漢庭之良牧雖未別其時代在東京前後而確有是人為太守則殊可據也

竹汀先生博極羣書獨未見此碑故未引證及之耳

巢國公九隴唐初功臣新舊唐書皆有附傳

附刪

之隱士產則贏秦之亞相侯考羅隱集錢氏太宗譜列傳中有錢

璩封晉安縣開國子長子元修以貞觀五年補長興

縣博士正與九隴同時而所序世系並未牽入九隴

而此碑以為十一代祖又似確有所據者何耶

宋法海院石塔記

行書

高五尺一寸九行行三十一字

法海院新修石塔記

篆書橫額

河南府密縣

勅賜法海院新修法華經舍利石塔

記

將仕郎守許州陽翟縣主簿張哲撰 大隗山人閻

羽書 洛京翟信鐫

是塔功訖琢石待筆憑予故人間了雲賓跨山千詞以
驚其新於戲招迷導愚 佛自有書褒空頌元僧自有
徒斯塔也物微不足增輝斯文也才輕不足借名但寫
其因錄其形載其歲月彫其姓字而騰之於無窮之齡
惟密邑法海院

也字本添
別於兩字
之間

上首帝天下年二月五日夜有籍人安南郡仇知訓者
忽寐中自美造此石塔既覺遂弃已財洎旁誘羣好共
果厥誓凡繩準高下規模洪促即山以採索良珉發地
以闢集奇勢皆自知訓襟臆出所購匠氏但脩磨刻而
已二年四月二日營始八月十日先以舍利瘞於地室

是歲二月九日休作鑿蓮經七以圍其軀冥金像十四
以實其虛雙扉乍豁仙窟匿露短檻危籠星繩纏空十
尋峻峙迴若躍地九疊崢嶸遠疑懸霄其或人恬天惺
清颺韻鈴陰浸地膩狂苔駁砌射翠飛寒大少之顏匝
步櫜觀汴路之間茨嶺凝煙塔與同堅洧源長泉塔
與爭延不以土不以木惟石也剛介俾風雨朽之不速
不為宮不為壇惟塔也高衆使今古仰而不殫噫人之
來者閱塔遊記知功辯志則如堂之地永新佳致与他
邑異時咸平四年七月十五日記

副維那彭城

郡劉彥瓊

都維那安南郡仇知訓

功德主僧志德

講百法論院主僧志理

將仕郎守縣尉任

將仕郎守主簿權縣事郭文

紹承 承奉郎守國子博士知縣事武騎尉程□振

石記糾首王倫

前監酒稅司□□□□清

酒務官朱□□ 副□□監官王斌 □□□□

和延又 馮文義 王元□ □□□□□□

于知訓 張師明

碑陰共三十四行五十七字前十餘行均稱以後遂

勅賜法海院起立法華經舍利石塔壹座高五十五

尺計 下面別蓋東腰壹遺石基階面連記并亭子

計使錢貳仟捌百伍拾貫

□□□施并逐 鐫一施主計施到錢伍佰玖拾叁貫

陸伯文拖牌到錢貳佰陸拾貫自來抄表壹佰伍拾石
計錢柒拾伍貫文自來兩度打柰得錢壹佰捌拾貫文
已都施利錢壹仟壹百捌貫陸伯文塔下東
甬壹拾貳間連記亭子并基階地面龍柱四條石香爐
兩座并瓦木人工合使錢計肆佰伍拾貫維

那仇知訓須彌坐自方九尺高六尺計使錢貳佰貫
文施主仇知訓上面蓮花并塔身自方七尺高七尺
五寸石門壹合塔內功德壹拾出二十八品出

相四修羅王眷屬合使錢叁佰貫持牌維那王守則
等楊守信孫用李謙楊恭鄭榮石坦段明李美侯文翼
持牌維那維那惟宣維那張若水維那嚴宗

議維那趙全懿張贊持錢肆拾伍貫和守信張守元王
正常再榮武又馮千高仁又郭守信王再興張守信

王侯

張福和延朗

曹美元文暎馮文又劉廷嗣

管守志康彬元文贊元演李榮京文又元再榮第一劫
白石舍蓋并科科棋琥珀方 施主僧法敏施主副維

那劉彥瓊

第二劫連隔身施主副維那劉彥瓊

第三劫舍蓋連隔身施主鞏鞏郭守口妻李氏朱繼

忠妻李氏元文政妻魯氏

白石构欄程聖裏面天王

四尊行道僧十一六事施主都維那仇知訓

第四

劫舍蓋連隔身蓮花一口施主張超妻李氏男進妻裴

氏施主孟男任再興

第五劫舍蓋連隔身施主嚴

母新字
當是親字
之誤

顯趙仁遂劉思進和泉人高延福劉守達 第六劫

舍蓋連隔身施主曲河鎮雍再榮母親賈氏妻袁氏弟

維楨男文化 第七劫舍蓋連隔身蓮花一繒施主

張質妻趙氏 第八劫舍蓋連隔身施主姜繼昇

第九劫白石舍蓋連隔身施主于知訓妻張氏男再

榮男文貴男再遇姪守志 上面甬山相

輪九層盛露盤白石蓮花施主副維那劉彥瓊 火珠

連雲盤并艷頭上白戲龍兩條施主龐知遠妻秦氏男

新婦張氏 高文義母親李氏新婦竇氏男十哥

尚氏陳氏任再興妻楊氏女子五姐女子八姐

法華經第一卷施主僧法敏 第二卷施主劉彥瓊妻

賈氏男用識新婦歧氏男用和 第三卷施主劉彥瓌
妻李氏 第四卷施主武謨

第五卷施主馮文義妻 谷氏姪男守皓男大栲栳男
男小栲栳新婦劉氏女聿馬延貴妻馮氏 第六卷施
主武謨 第七卷施主武謨妻郝氏第再昇新婦王氏
男繼輔新婦石氏孫男李五女夫 韓蘊武氏寫法
華經一部七卷施主都維那仇知訓妻陳氏男寶佳

施主曹吉 妻李氏男希顏王知訓妻劉氏張全義
王守遷妻胡氏弟守瓊妻張氏要美妻王氏李守志男
斌上官源妻張氏焦遇田閏唐遇李延副劉懷乂妻王
氏員顯曰妻崔氏呂守節妻史氏男德元新婦栗氏孫

男王哥任文政新婦劉氏弟文顯新婦王氏男順哥張
師明男益胡興妻董氏張繼昇王福母親邢氏胡守璘
妻范氏曹澄仁王興妻劉氏和文信張繼勳妻孟氏

楊文緒張文秀張顯

李懷懿若干政王丈

贊元延興仇知素男守元仇氏仇氏陳知遠妻栗氏魯
氏嚴政妻卑氏嚴顯妻侯氏嚴廷逸嚴廷玉嚴宗讓嚴
宗緒嚴宗吉嚴宗諒嚴宗議趙仁遂妻郭氏男全懿新
婦衛氏男陳七怨海超妻董氏男王六上官濟 口維
邢鎮主王守均均高訓趙知順雍再榮高昱高知密王
宗瞻馮興張璩鄭倫王襲惠莊劉 邠州客谷榮汜
水趙欽滎陽縣王饒張文入史守贊張懷信劉思進妻

馮氏 女夫鄭清三姐劉氏外生謝五孫珣妻 王

光嗣陶雍李廷遂妻劉氏賈榮母親 氏李演宗 母

親若干氏新婦張氏男惟岳男惟慶男惟吉 □□邑

人維那侯忠侯均張守榮侯豐瞻杜廷玉侯釗侯思進

龐乂邵諲侯光演 邑人維那要□又高乂馬守則李

氏周氏恣海超男加緒新婦薛氏男張九男張 邑人

維那張守元張延起張筠張師訓張守璘張思溫張再

興張福張廷訓張志遠 若干榮祁廷贊常再榮毛文

顯若干進李廷翰楊謙蘇王楊榮李讓王□□王万

榮王万進杜守貞祖守榮段仁遂衛漢溫衛漢榮曹廷

隱徐守貞孫守榮張遇王福吳懷美郭守榮孫緒侯知

進鄧琛杜再興口彥威邵延美陳進口大口邑人維那
劉知榮劉知運趙寶种知遠劉延美劉延福劉知朗趙
士元蔡入孟志全

鄧仁涓妻王氏劉守達妻鄧氏
女夫王信大姐劉氏謝姑王女韓口口經僧栖書寫經
人潘大有鑄經僧清則鑄經人霍文琮裝功德人馬瑩
描花樣人成詠造金甌瓦頻茄鷓獸匠人張延遇造青
棍甌瓦匠人郭謙

口山口造起立石匠人張守均等四十人武嵩卑廷美
趙文顯男端時再興章守千唐美木匠都料宋文密男
廷寶碗匠人弟宋文又弟文政楊廷辯妻杜氏口口口
口口氏男口口兒孫男冬兒趙村母親高氏男王知朗

弟守吉弟守璘石延福母親高氏 新鄭高浩賈寶榮

母親張氏新婦張氏弟寶珍新婦張氏大姐賈氏徐守

謙□□□□□功案前行史用和 戶案前行姜繼

昇 印司王諱 苗案前行邢訓 倉案前行栗忠

兵案前行王則 苗案前行石坦 士案前行丁守則

缺住房僧吉後行宇文德 後行姜□信 後信侯

行後武利用 後行李文吉 後行馮坦 節級

趙遂 節級李美 節級張久 節級李謙 雷懷玉

妻嚴氏男王十

餘缺十住房僧道丕小師守侶 功德主師弟志謹講

誦法華上生經施主僧志辯施主僧志昇師弟志容志

密志靜志蒙志鑒智明

住房僧法海

師弟志堅

堅上缺

金剛經施主僧藏益

住房僧元密小師歸信

講經綸沙門惠靈

僧義實

講金剛經僧宗清

僧法岫僧信清張歸悟

寫字人王貞白

上缺

僧□□

僧志球

僧可全

僧僧鵲謙

左街

特念大德清一

僧審真

法海院當在密縣碑言仇知訓夢中筭造塔工寤即損已財及勸諸施主重建此塔而一切製造皆自出胸臆以詔匠氏觀所載工用之繁鉅知其用心勤矣記文通篇協韻大係創見行草雅有唐初風度碑陰列記出入之財及像設之處無不詳盡所云一劫至

九劫者當即塔之層級也其中施主姓字有數奇姓如歧氏怨氏皆未曾見若干氏當即北朝若干惠之裔宋時尚有此姓大可為證據也碑陰拓本有破損處前數行故多缺字此非石之泐文倘得完本尚可補之故以記其字數後數行則每行上截皆有剝蝕矣仇知訓劉彥瓊皆本邑人而稱安南彭城蓋舉其郡望也母親之稱見於文字者亦始於此

宋法門寺重修九子母記

如之在扶風

法門寺重修九子母記

儒林郎守乾州司理叅

軍張頌撰

夫九子母學浮圖者言之在異趣矣始則馮負恠力突
戾慈忍洎大雄氏示現威德攝以正道故力殫氣沮神
弗克競而旋能服義畏威降志下體慄然歸順逮夫能
仁之教流被震旦嚴詞善刹充滿天下故存其像貌儼
列左右蓋錄其背邪歸正之道亦足尊尚矣法門寺東
廊下有故像一堂以其子孫衆多耆舊傳云寡續之後
者苟蠲裡精禱則身枝蕃茂而席其福然年禩浸久堂
宇傾圯雖有陳形弊質亦不可克副瞻仰者之恭畏也
景祐丙子歲里人試匠簿鉅鹿魏德宣與同閨人清河
房君有鄰武威奉職安君召相與建圖再議裝緝時屬
西夏跋扈邊鄙興師供億頗勞故不果早就其志迨今

年五月中方畢其事績塑一新其母則慈柔婉約且麗
且淑端然處中視諸子如有撫育之態其子則有裸而
携者有襁而負者有因戲而欲啼者有被責而含怒者
有迷藏而相失者有羈牛牽衣而爭恩者二人焉有勝
冠服膺而夾侍者二人焉擁戀庭闈天姿駭冶不可得
而談悉非施者之心專勤匠氏之功精妙亦不能允臻
其極□□君子之肇意也以家鐘餘慶業茂素封惟茲
有後未□統二因相為祝寅罄迺衷功未及終咸遂其
應噫神道□昧昭感之績信未可誣或不信辱見請丈
其事讓不護己因敢聊序其大略云爾時慶厯五年閏
五月一日記 院主僧廣隨 進士魏戡書 塑人王

澤 畫人任文德

真身塔主兼都修造主正辯大師賜紫法能立石

勾管本殿僧廣嚴 張遵刻字

文整雅有法書尤佳宋碑中上乘也

宋禮真身塔詩

左行書

共九行每行字數不等
四尺二寸每廣二尺八寸

禮法門寺真身塔

殿中丞漢南張問昌言

衆生瞻穿窰堵迴向大覺身內顧六尺軀一雨無諸塵
慶厯戊子暮春二十九日友人衛尉寺丞琅琊王宗
元題

琅琊宗元與勃海遵禮贊皇宗古彭城舜卿汝南永

錫同謁道者廣秘 皇祐己丑清暑之親

題字大小不等蒼勁圓秀無一俗筆王宗元所作也
宗元與四人題名附於其後皆不著姓但以郡望稱
究非通例

宋慶豐堂記 正書 共十七行行廿五字

慶豐堂記 篆額

慶豐堂記

天常博士直集賢院知 州軍州事祖無擇撰

河東柳淇書 京兆章友直篆

予去年春正月自廣南東路徙荆湖北路皆為提點刑
獄秋七月按部道次鼎州奉

詔改廣南東路轉運使時廣源州蠻入寇陷領外數州
朝廷趨行乘遠日馳二百里決辰而達所治遠方久無
事戎備既寡糧餉不給賊氣方銳我師屢敗予不量力
亦提羸兵追攝其後遂出竟外未幾以罪移典此州其
始至也見城郭井邑在迤邐衆山之間如圖書屏障使
人清趣自生俗慮都去羣僻務簡居多暇日小寢西有
地一畝餘荒穢蕪無人跡命冀除之為堂以休焉公退
則擁書隱几而坐考聖賢之事業以自廣間或速賓友
以琴樽相歡因為坐客曰筭也委妻子而去履山川之
險見危致命可為勞矣今也曹無事秩有祿飽食終日
不亦泰乎人雖以為貶予不以為貶也願無以報陛下

之德為憂耳是秋禾大熟百姓足食上下莫不悅懌乃
名其堂曰慶豐且持其說私自賀焉皇祐五年十月二
十日記

宋三賢堂贊

正書

共十六行行十五字高一尺二尺四折在新鄭

旌賢崇梵院三賢堂贊并序

起居舍人知制誥劉敞原甫

丞相沂公葬東里子產之墟而與裴晉公鄰鄭人以三
賢者之行事已上養人使民其終始同然則宜相近然
為之作祠堂合而享之豈所謂尊德樂善緇衣之遺風
也歟贊曰

賢不常出曠世而遇其猶旦暮如三公者

或相一國 或相天下 善始令終 高明有融
盛德大功 時之遠也 千有餘歲 若相長弟
循迹揆心 死而不忘 孰有古今 其像於此
自鄭人始 有來仰止 嗚呼 若登高山
若浮深淵 夫又深測焉

嘉祐四年己亥重陽日緯書中書省玉冊官司馬銳
刊

大明成化十二年中秋日住持僧可鑑 石匠董薰
重刊

石文與書俱足錄合原甫可謂四賢碑矣雖係明人
重刻不為減色或於甫字之左加水旁則妄庸子之

所為也

宋石輅墓誌銘

正書共三十一行三十二字高
二尺六寸半廣如之

宋故太常少卿石公墓誌銘

右朝散郎權尚書兵部侍郎上輕車都尉賜紫金魚
袋杜純撰并篆蓋

左奉讓郎充秘閣校理守秘書丞武騎尉晁補之書

公石氏諱輅字君乘濮州范縣人也曾祖諱溫祖諱文
舉皆不仕考諱崧益州司理參軍贈工部侍郎工部以
明經入官而好文自公幼學則諄二語之日女當以文
顯即大感發晝夜誦讀貧無燭至梯其屋就月視書無
幾何則以詞藝稱中進士乙科調青州節度推官改知

萊陽縣負海民習為姦利公明恕賊民多改或遁去又以吏事稱康定中夏英公經畧西邊秦掌永興書記管勾機宜文字方元昊叛時獻策畫多見聽用再從辟涇州渭州用特敕薦改著作佐郎賊圍鎮戎急後騎日益諸將以為利疾戰且深入牽其勢公起席未言曰賊鋒銳未可大將葛懷敏怒曰兵因敵而制勝石君安能逆知往先馳之軍盡沒或走入塞者猶道懷敏臨死而悔曰坐以書生侍石君至此公既久從軍母老與諸子安土不肯行欲解官歸帥惜其才使部尉氏還戍因督送軍衣京東閒從范縣過問母或欲以事疵帥者摘其違法作責監長葛縣酒稅稍徙知崑山縣簽書陳州

判官通判綿州邛州事會嘉祐間 朝廷以諸路計不

入詔三司薦可任吏公在書中擢廣濟河都大輦運廣
濟輸尤不繼數十年或置或罷公究知其弊奏更法數
事軍大將有罪不敢決三司得專治自公始明年東州
之粟至京師者百萬石擢知真州又改虔州韓魏公聞
其名召至中書與議鹽事許以便宜措度十邑綿地千
里民狡善訟文案如山守董不能省公治不煩而威
甚行三獄為空以疾求北歸知光化軍復領輦運移梓
州路轉運判官遷利州路改提點兩浙路刑獄事疾病
分司西京熙寧二年七月十八日卒年六十二自佐著
作九遷為太常少卿階朝奉郎勲輕車都尉爵河東縣

開國男食邑三百戶取孟氏長壽縣君四男子伯宗古
內黃縣尉仲宗彝通直郎李宗彭皆前卒而叔宗壽揚
州錄事參軍廉平而文能裕其蠱者也公少孤事兄悌
遇族人恩嘗請於朝願納官官授兄一致事官不行乃
以其任子恩任兄之孫為人靜慎遇事警發既老猶好
書不倦病不問家事怡然竢盡可謂君子也已宗壽卜
元祐八年十月十七日塋公于河南府澠池縣大塢鄉
鳳皇山之原以純鄉里舊知公為詳屬純銘二曰

親教以學 雖淺以聞 推此而往 可與事親
君任以事 雖輕以成 推此而往 可與事君
小試必立 豈大不能 壽貴不稱 短窮亦福

寧此有餘 而彼不足 惟此有餘 小人無之
惟此不足 聖賢有之

石公之官亦已顯達而似有未竟其用者則屬文者
之妙於用筆也杜純文名不甚著而此誌簡雅不減
於歐王宜晁无咎之甘為書手矣石公厯官於外卒
則有太常之稱豈晉 耶願納兩官乞授兄一致仕
宮而朝議不行當時之愛惜名器如此

宋鉄人題款

紹聖四年五月

正書

維大宋太原府故綿州魏城令劉植
縣君張氏男元吉新婦謝氏房弟延
昌姪萬孫男應鄉貢進士世安世臣

世順進士重孫瑩謹卜紹聖四年三月

朔日立此金神用彰陰報一人積德

於百年後裔承恩於四世常修祖

業望昌盛於無窮獻爾丹誠庶永

期於不朽外甥鄉貢進士張鑑記以上為一方

太原府文水縣

助緣人市令馮遠木牙人

節級齊照等楊諫成新

武宿以友王玉朱信同助緣

人義社弟兄靈清成顯

以安鄭昌道武秀孟銓

牛唐俊孫臯臯魏和

郭清 任規 文水大聖

任榮男任斌任貴任進

任約孫男任諒任政

任輔 任普任慶

高任見□以上十二行為一方

助緣人李遷 苻氏 郝万 閻新

鄉貢進士武安行郭弁房京焦日□

張京李晏王欽王通董昌王丙

侯閻楊銓王誠韓吉申安段玘

李吉張友李丹友楊昌武臯張仙

白雅谷昇席新胡吉楊宣王珏

武萬趙英郭珏王俊光和李友以上三方在東方鉄人

上

甲午社都維那頭

趙和弟趙閏口楊七楊八

副維那李立父李仁

副維那張口口父張

社人李和楊福張口

鄭誠 喬水 口立

趙俊道士白可遇陳

大監王昌 弟王和

紹聖五年四月初一日

焦方以上十一行為一方

大宋太原府□□□□

社趙和等特發□□□

捨淨財鑄釧人所獻上

昭濟聖母永充供養

質堅神侍 靈□□

永古輿情庶俗□□

福於長年咸仰□明

□□祐□□位□□

年三月吉以上九行為一方

施主司福妻李氏

施主屠户王德王興

□□□匠人王因王□

□李□以下四行為一方

太原府岳廟南邑人趙□□

王斌賈吉和清溫縣畢江

趙尚曹宣馬□范玉王□

郝貴畢昌畢榮畢□

以上四行為一方
在西面鉄人上

右二鉄人在太原晉祠顯靈昭濟廟殿基上東面所

鑄記字頗精西面字質粗多脫筆大有等差不僅士

匠之分矣八字不可識青園云即俗寫錢字自宋以

金石錄卷五
來皆有此式他金石刻字可證也又有各字則竟無
可考索矣其後尚有明永樂正德時人補鑄題名及
國朝所刻題字茲不錄

宋旌賢院牒碑文行書餘正書大小共十八行
行字不等高四尺四寸強在新鄭
中書門下牒旌賢崇梵院

右諫議大夫天章閣待制勾當三班院王子融奏臣
亡兄曾於鄭州新鄭縣安墓墳側脩到僧院已奉勅
賜号崇梵院欲乞依呂夷簡等墳所僧院例每年撥
放剃度行者并臣亡兄曾神道碑昨蒙

御篆賜名旌賢其崇梵院欲乞賜号旌賢崇梵院候

勅旨

牒奉

勅宜特賜旌賢崇梵院為額每年軋元節與剃度行者
壹名牒至准

勅故牒

皇祐三年九月十三日牒

工部侍郎平章事文正

大觀元年七月二十二日藝謹命工模勒上石

沂公之墓亦建祠度僧恐非賢者本意也牒勒行書
圓勁可翫古人之公牘文字亦復可愛若此然自元
以來則不逮矣此碑雖無重刻之詞而可決其非宋
人原刻蓋模勒非甚佳手小字已失其神彩大字尚

可而亦有破壞之體如節字郎字者余故有此臆斷耳

宋祭昭濟聖母及汾東王文

行書三十行行二十字高一尺八寸二分

廣三尺一寸
在晉祠

維宣和五年歲次癸卯五月朔癸丑初七日巳未起復
太尉武信軍節度使充上清寶籙宮使兼 神霄玉清
萬壽宮直睿思殿河東燕上府路宣撫使譚稹謹以清
酌庶羞之奠致祭於

顯靈昭濟聖母

汾東王之祠茲銜

命而出使兮總燕晉之撫綏並并

州之故壘兮訪往古之萊祠迺乘傳而修謁兮歷山路

之遠迤謁遺跡於父老兮曰禍福惟神之所司屬常
賜之稍愆兮渴霈澤之甘祁雖路偏而節晚兮懼南畝
之失時念密雲之或布兮久屯膏而未施顧無路以訟
風伯兮又力不能鞭夫雷師惟雲翔之附初兮震天聲
於遠夷諒非神之陰相兮何以杜鼠竊於藩籬迺潛
心而默禱兮薄精誠之上馳達龍香之芬苾兮篋冠佩
之陸離步長廊之回環兮考故事於豐碑惟

聖母之發祥兮肇晉室而開基王有文之在手兮其神
靈之可知顧林薄之映帶兮發巖岫之英竒泉一出於
堂下兮作萬頃之洪陂信靈仙之窟宅兮宜廟食之
在茲矧歸來之盛德兮惠故土而不疑曾未逾於浹辰

兮遂滲漉於靈釐初霏霖而裏塵兮歛簪溜之已垂散
鬱結為歡愉兮回清潤於赫曦諒拔才於大澤兮起高
卧之潛螭何作霖於膚寸兮被遠近而不遺麥酣而
將秀兮萬綠淨之紛被助朱明之長養兮驗豐年之可
期惟神鑒之甚昭兮實大庇於黔黎念何以報貺兮乃
諏日而灼龜奠蒲萄之佳釀兮奉蒹藻以薦詞冀

明靈之終惠兮盛百穀之如茨惟菲薄之是媿兮恃神
聽之無私伏維 尚饗

朝散大夫充河東燕山府路宣撫使司勾當公事賜
紫金魚袋趙令時書

朝奉郎直秘閣充河東燕山府路宣撫使司管勾機

宜文字姜仲謙撰

龍圖閣直學士通議大夫河東路經略安撫使兼知
太原軍府事張孝純立石

此係祭賽之文固宜用韻當事諸君皆有學識此刻
可謂全美惟謨人銜名列於書人之後他碑所少當
係叙職耳

金石萃編補正卷二終